

明治名家詩選

下

柳田文庫

文庫11

A1190

3



文庫 11  
A 1190  
3

柳田泉文庫

明治名家詩選卷之下

錦原桑者城井國綱修纂

枕山先生大沼厚

字子壽  
東京人

過里見氏故墟悵然作歌

天保九年歲在戊。我行正值流火節。菱花灣裡水如鏡。  
菱花灣上山似髮。風物留我不得去。感時懷古獨怛。慄。  
憶昔永享爭亂年。八州城府入塵烟。西軍如雲彌山野。  
旌旗連翩掃長天。關左陣營指顧降。鼓聲震地響闐闐。  
兩虎自古不並立。一斃一生勢所然。東兵十萬敗塗地。

枕山



流血漂杵紅殷殷。君臣溘然為異物。浮雲慘澹北風寒。  
幕府政苛罪及孥。搜索令嚴遍四邊。其誰救孤里見氏。  
夜乘風雨入毛山。毛山高高幾丈。鳥道縹緲與雲連。  
一夫當之萬難進。層壘重壁鐵樣堅。累卵豈復憂危禍。  
但道防備計乃全。火攻一夜何太急。重城倏忽化為原。  
二孤被縛身鬪死。闔族殉節實可憐。嗚呼忠乎果有後。  
太郎弱冠真俊秀。包羞忍恥是男兒。一葦航海膽如斗。  
得衆乘時起海隅。四凶被驅等鼠狗。戰必勝兮攻必取。  
虜尾總角悉為有。功成治定何神速。况有兒孫能自守。  
舉國收拾魚鹽利。九奕綿綿致殷富。爾來三百五十秋。

繁華蕩盡水悠悠。月明漁父唱欸乃。英魂聽在海之陬。

天保新樂府

敗籬圍荒池

美驕臣之黜也

敗籬圍荒池。新花發舊枝。春色雖好非昨日。主人到老  
不曾歸。君不見昨日大屋臨廣陌。引水築山聚花石。奇  
玩珍寶閣中滿。髣髴葛嶺賈相宅。又不見高門容大車。  
寶僚置酒夜誼譁。歌童舞妓天下選。依稀郢州孫瑒家。  
威福滿拳猛如帟。一食萬錢何足數。只知黃金買歡娛。  
不顧蒼生多疾苦。峻宇雕牆有聖謨。金谷咸陽亦忽諸。  
生不能保况身後。付子傳孫計何疎。淒涼眼前事如此。

戰兢宜思後車戒。荒池敗籬跡空存。長使驕臣心膽寒。

移戲場

美明君之遠倡優也

移戲場。移戲場。場在待乳山之陽。場頭風景占勝絕。南有金龍東墨江。不賜要地賜閒地。諸倡豈知聖恩長。爾不能知吾代說。非俾爾衰俾爾昌。墨江之花金龍月。四時繁華冠四方。况有北里為隣並。好將名妓對名倡。繚墻儼然如城郭。歌臺舞閣別為鄉。倡優不敢在君側。何同唐代置教坊。嗚呼鄭衛聲止。民俗醇民心善。奇戲駭觀亦何妨。

縛歌娘

美淫曲之廢也

縛歌娘。縛歌娘。五十餘人駢出坊。滿面塵沙和淚垢。宛然愁眉又啼粧。官吏錄名徙北里。優免賣作青樓娼。吾聞新曲多淫語。邯鄲李奇波斯女。更假歌聲逞盡媚。分明色授入魂與。誰擲黃金竊買笑。踰墻相從多情緒。古稱冶容能誨俗。况將艷曲蕩人心。敗俗亂世莫過此。弊風不改盛至今。滔滔四海游民足。男廢耕耘女織紉。奮政一新何神速。盡去浮薄還淳樸。吾君修己世皆知。不重女色惡衣服。滿城只聞絃誦聲。春風無人唱淫曲。

深川女

美淫坊之廢也

深川女。深川女。粧淡淡衣楚楚。出意爭學時世樣。生小

善歌還善舞。豪華稍稍擬北里。自鬻聲色非官許。就裡中街推第一。一道紅樓列繡戶。江口維舟舟如織。中夜猶或聞歌鼓。新令除之真快哉。疎而不漏網恢恢。紅粉四散春無跡。熱場火爐吹冷灰。君不見淫坊近日滿城市。李娟張態比比是。風流蕩澤無處無。人心爭不趨奢靡。破家亡身知何限。暗中為害如利嘴。振起頹綱無他策。只塞其源未自止。願推此令及天下。不許私自貯娼妓。嚴禁同似深川女。風俗歸醇從此始。

閻門表美名

美多孝子也

閻門表美名。閻門表美名。何物孝子能致此。萬人欽慕

仰恩榮。孝則生福理可必。乃知精誠通神明。聖人之德莫大孝。風雨和調海波平。想彼菽水盡歡日。傭耕纔能為生活。節用晨昏供甘旨。躬執勤苦何曾逸。生來不讀一行書。至孝蓋出天然質。溫席扇枕致其樂。身無完衣貧到骨。昔有賢刺史。百城畫像稱陳紀。又有賢納言。孝敬標名德。饒里導民以孝。天下順。孝德吾言可取信。為作長歌激風俗。俾使不肖自感奮。

敗則傷儉勝傷久

美博奕之止也

敗則傷儉勝傷人。呂公此語宜喻民。妨日廢業無補益。章曜此論宜勤身。傷風敗政最為甚。女樂之害未足云。

除之不盡如除盜切令禁斷自古難博惡業也史所錄  
君子不博語明覈賈相敗面目一博吳王殞嗣在一局  
縱雖善博亦何益日勝日貧不曾足况有陶公垂明戒  
衆人可取寸陰責悉取樛蒲投江水不禁自止固其理  
竹山先生嘗言之天明寬政不得爾嚴禁誰圖有今日  
博徒不敢入閭里嗟呼天明寬政胡為乎此事終古罔  
與比

近郊無耕人

美明君之憂農也

近郊無耕人近郊無耕地莊宅滿阡陌亭臺相鱗次借  
問主人誰大賈之所置竒花後園發珍禽前池戲古人

不言乎商逸而有利此輩今猶古恃財事驕恣天保明  
君憂稼穡節商以法各循職耕地不許置莊宅盡廢亭  
館藝黍稷游間浮食元有禁務本抑末別無術八政於  
民食為首懲怠斥惰須盡力商人不貴農不貧法立令  
行上下均已耕人有耕地粟如水火民皆仁

五月始食瓜

美禁時新也

五月始食瓜五月始食茄茄瓜賤如土纍纍皆且多君  
不聞唐時天公生尤物蒼瘡誰問赤子疾口腹累人何  
其陋山海貢珍珍競出千里驚見荔枝來二月薦瓜更  
怪哉欲悅婦人何至此不省鳳闕汚氛埃噫嘻近代士

庶亦復爾。太平年久漸奢侈。冬筍春茹豈獨奇。三月松魚已上市。尋常菜果亦萬錢。豪舉爭新各占先。典衣猶可况鬻女。此輩可笑還可憐。新令革弊甚美事。不時不食聖所戒。適口者珍何趁新。先薄飲食儉可示。坡公一語我能記。民不饑寒爲上瑞。

草莽儒

達寒士之情也

草莽儒。草莽儒。腹有文學家無儲。味道守真不易節。既生塵埃釜生魚。出門踏蹬知己少。一瓢陋巷獨守愚。同學少年多不賤。夫子長貧欲何如。君有雄飛意。凌雲無翼安可致。又有退隱志。立錫無地不得遂。君不聞朝堂

今日盡名賢。吾道隆興在斯年。腐儒雖非經世具。長屬無用亦可憐。我願四境大興學。謀為庠序教頑民。然則諸生得其所。有如枯朽值青春。嗚呼昔日戰國搶攘處。猶以斯文為先務。足利有學校。金澤有文庫。况乃太平無事時。學術遜古可勝悲。非有荒陬宜文教。蒼黎何以識所依。富而教之誠在此。成康刑措可立待。吾君吾君願聽之。言者抵罪亦何悔。

送萬春齋游越後

春翁剛態藝園傑。不唯筆鐵心亦鐵。澆季人情日競新。春翁好古敢改節。遠搜采勃稽商周。秦漢以下意不屑。

明倫彙編家範典卷下  
理合於古窮毫釐。以之此技擅殊絕。一枝鐵筆隘大邦。  
西南幾州行已徹。倦遊東都息勞肩。下谷幽處寄茅蕝。  
正遭邊陲多事時。忘身憂國中心切。有時置酒會群英。  
慷慨論兵目皆裂。比隣皆當儒生者。與他藝士涇渭別。  
誰道雕蟲非壯夫。篆文方正存義烈。今夏偶發北遊興。  
海澨應避三伏熱。水原雲碕競繁華。想見逢迎衆成列。  
此境今稱圖畫叢。其倪其黃幾提挈。一洗媚俗畫院風。  
山水一圖逼前哲。可無印篆副古體。待翁始補文場缺。  
固知次上游冶風。視翁古印或不悅。譬之明清滿眼中。  
曉以周漢始心折。然則印文人心皆復古。翁之功偉筆。

與古。吾贈翁別言止此。代三疊曲歌一闋。

元日同雪江桂巖飲。不忍池旗亭得水字。

年頭出游何處是。老夫所求道在通。好元朝得好詩。勿。  
一笑相携地尺咫。小湖去赴佳人期。也勝高門謁達士。  
狐王門外柳搖金。龍女祠邊梅綴紫。碎水無礙息拍拍。  
折葦可通魚唯唯。昨日發砲今憂絃。一宵纔曙異憂喜。  
赴赴武夫亦酣歌。不妨文士醉羅綺。嗚呼老子五十又。  
添一。汗牛汗馬兩已矣。一年祝願將如何。不在臺閣在。  
山水。

除夜放歌

枕山

明倫彙編家範典卷下

七



助溪翁家詩選卷下  
常年三百六十日。老來苦短醉夢中。今年三百八十日。  
短于醉夢律欲終。都門正月氛塵起。都人理裝散西東。  
寒孟寒具半車耳。搬之也與富人同。見女脚忙逃亂去。  
破屋數間留乃翁。隣舍燕歸不見主。清明上巳節忽忽。  
江上花開人惡折。折殘千樹稀一紅。絕無歌姬坐畫舫。  
但有行李壓短篷。五月東山兵火發。銃丸如豆打屋蓬。  
出門狼狽不能走。積潦縱橫路不通。歸來巷陌渾非舊。  
焦土皆遭阿奴攻。金銀佛寺付一炬。荒涼只剩枯林叢。  
征府鴻基旋亦沒。士人失業不保躬。昨朝領衆居高位。  
今日迎官拜下風。其他爲商爲農者。口雖唱義不由衷。

祇憐關外逐輿者。客土無家守固窮。千里遷居囊橐竭。  
拮据何計迎春融。吁我闕下居不易。桂玉艱難厨物空。  
門生四散少所獲。硯田何似去年豐。狂夫之狂尚依舊。  
峻嶒氣岸凌玉公。尺五天門脚不到。守歲醉待曉日曠。

閱功亭歌爲大音龍太郎

農功漸畢土功起。閱功之亭從是起。先民而憂後民樂。  
不妨每賞風景美。當面仰榛名。比肩揖赤城。有似信陵  
引侯嬴。妙義秩父虛左迎。誰代主者是明月。一輪能照  
千崢嶸。小亭非小天。來大毛武之州何足營。丈夫得意  
隘宇宙。不用加人以貴富。我笑蘇季子。多金六印駭愚

嫂又笑朱翁子。高車駟馬誇書繡。男兒生小誦六經。此  
心要使斯民壽。誰言天下無善難。達不離道勲業就。故  
人年少終賈匹。綜理大縣在顯秩。閱功亭上閱農功。功  
成猶自惠民疾。知君當路交游盛。文醜應多項功筆。故  
意求詩向野人。野人寓規美。嫌溢澆李民俗。雖貪奸與  
其以猛寧在寬。况復干戈瘡痍際。沃土未免民力殫。舊  
惡忘之新善錄。民厭紛爭守業安。長官游息此亭上。月  
華山色儘堪看。吁我獨善有誰伍。其人可棄言可取。為  
君援筆記農功。毛武山色照題句。

東西家行

東家有子年二十。未離親膝孝益篤。行餘不學閒文字。  
孝經論語兩篇足。四月五月農事起。躬執犁鋤率僮僕。  
只穿田家短布衫。不識毛褐趨時俗。替親省儉理家務。  
庫有餘財倉餘粟。身雖無樂心無憂。不見公私有督促。  
西家有子十八齡。讀書能知才吏名。志在聞達蓋作業。  
游學背親不繫情。都門鄭金買浮譽。柳橋花巷多逢迎。  
三年留學何所得。只為負債勞辨營。責逋稍稍及鄉里。  
父家身計無餘贏。田園近入隣家籍。可憐右族變庶民。  
君不見。見首戴茅蒲。身縵襪。藝得黍稻資生活。罷耕歸來  
奉親歡。甘旨供親躬粗糲。生不讀書符聖道。只知除孝

明法名翁詩選卷下  
皆為末。我說古農判兩家。徒覺規頌太紛拏。

中洲先生三島毅  
字遠叔備中高  
梁人住東京

留別方谷山田先生

詞壇唱和久追隨。一旦何堪賦別離。自是清風明月夜。師應思弟弟思師。

藤枝驛訪皆梅園賦呈主人翁

曾訪老人梅已落。今訪老人梅未開。皆梅園中來兩度。不見梅花白皚皚。皚皚唯見老人髮。老人清癯肩骨款。筆筆生花才名香。老人何事酷肖梅。梅與老人元同體。不恨兩度負花期。

中洲

中洲先生詩集卷下

木母寺

冶葢倡花樹樹開。遊春人遍梵王臺。管絃聲裡酒如海。誰吊梅兒薦一杯。

馬條慢

磨墨池月。兩馬賜兩傑。爭恩究竟至爭功。將軍御將術何工。宇治之河水急流。四蹄蹴浪浪跳球。馬條慢君且留。陷入術中功自收。陷入術中休。矜伐何知身。陷將軍術。

圍棋

山窓晝靜絕塵氛。棋陣爭功主客分。子響有時驚霹靂。

局形幾度變風雲。寡兵制衆昆陽戰。死地求生河上軍。戲罷不須論勝敗。推枰一笑對斜曛。

楠公肖像

陰雲藏白日。四海起回飆。弱草爭先偃。香楠獨後凋。七生亡北賊。三世奉南朝。正氣橫天地。千秋長不消。

贈星巖翁

詞壇久仰大宗師。遁迹何圖寄鴨涯。靜裏聳肩山突兀。老來散髮雪參差。年近七十尚耽學。名傳一世豈關詩。如今京洛勝流乏。能繼高風更有誰。

藤樹書院

中洲

月台名及詩選卷下

憶昔先賢住此間。授徒養母掩柴門。窓前滿地生青草。堂背何邊種紫萱。陽明洞。古人稀到。白鹿院。深書尚存。剪伐不加遺愛樹。一棚藤蔓綠陰繁。

黃葉夕陽村舍

高士登仙去不還。兒孫能守舊柴關。當軒幽竹列帷幕。遶砌清泉鳴珮環。三備文章開草昧。一家著述遍人間。百年遺愛依然在。滿眼夕陽黃葉山。

撼山易

撼山易。撼岳家軍難。撼軍易。撼岳公志難。盡忠報國志先決。涅在背上死不滅。中原一揮岳字旗。胡兵潰奔肝

膽裂。頑惡可斬車駕可還。一舉唾手復燕雲。何料金字一簡扎。拔取大軍易於拏。吁。嗟。岳家之軍不撼如山。不及老槍摩天。踏地根不可拔。

七草園

節過星夕露叢稠。紫葢黃葩種種幽。知是七襄天女手。織成錦繡滿園秋。

藤原保則

管相才鋒銳欲衝。成功恐是不全功。讚州刺史明如鑑。先見已過三善公。

源三位賜宮女圖

中洲

明名古史詩選卷下

惟鳥應弦散似麻。帝加恩賞賜宮娃。詞鋒更比箭鋒銳。  
射落內家叢裡花。

福原

荒原落日。古都空。平相碑前草鬱葱。東望湊川人路絕。  
香烟滿地吊楠公。

遠思樓

遠思樓簷入雲霞。高叟登仙歲月賒。有子有孫長守業。  
非農非士別成家。青山綠水曾遊地。白李紅桃遺愛花。  
想見當時風詠興。冠童堆裏葛巾斜。

哭兒

獨坐瑣裝語向誰。滿簾春雨落花時。人間無限傷心事。  
昨哭山妻今女兒。

上野

桀狗吠堯還可悲。落花滿地暮風吹。聖時恩澤及枯骨。  
香火繽紛薦福碑。

招魂社

桃李櫻雲暮又朝。祠頭春色競妖嬌。煮蒿滿地渾花氣。  
魂也飛來不用招。

二松學舍

托迹城中下絳帷。隱居何必向山移。十年刁筆添蛇足。

一。卷詩書。坐虎皮。明几淨。窓連塾舍。古松頑石築園池。  
不知咫尺市聲聒。風送咿唔斷續吹。

次王紫詮留別韻送其歸清國

孤帆萬里掛雲天。采藥暫留蓬島邊。江左賊因竒策敗。  
泰西戰待大篇傳。交情不異兄將弟。吟骨偏疑人是仙。  
何事秋風促歸去。陽關一曲入離絃。

三溪先生菊池純

字子顯別號晴雪樓主人東京人寓平安

讀善相公封事

痛論時弊抑浮華。十二封章筆力多。駢體莫言文字陋。  
東方復見賈長沙。

八幡公與真任馬上唱和圖

武將追猛士。彼命已係我一矢。窮鳥何須擇林投。兩馬  
之間尺有咫。窮處却見餘地存。馬上唱和雙錦繡。衣  
衣破誰支持。心緒縱橫亂如絲。鮑葵有禮重君子。亦似  
樂攝脫晉師。斯遇斯竒古今無。文之不可已如此也夫。

三溪

月名古尺詩選卷下

十四

春曉書事

柳外春山眉樣橫。落花飛絮近清明。曉來檐角如絲雨。復作遊絲舞晚晴。

根岸僑居

原三

小板橋邊送暮鴉。東台山色襯餘霞。流三四尺清而淺。蛙一兩聲鳴不嘩。新柳殘梅高士宅。柴門茅屋逸民家。栖遲便合老斯際。雨話桑麻晴摘茶。

陶淵明

雲自無心鳥倦飛。歸來賦就卧柴扉。一生不食寄奴粟。且摘黃花抵採薇。

春首書懷

窻小書堪讀。身貧心自閑。梅於風處散。苔自雨邊斑。竿濫喚南郭。文移擬北山。寄言朱紫客。勿到我柴關。

京城近郊記所見

微雨兩非雨。嵐翠染春衣。花落野廟間。雉鳴隴麥肥。極目黃花外。天鷄帶聲飛。春燒一綫黑。搖曳入翠微。竹外孤村小。日暮未鎖扉。老農如有待。長堤一牛歸。有如韋柳集。佳句出天機。俯仰皆詩料。心醉弄春輝。尤愛虹萬丈。光燄映殘暉。

山水小景

三溪

月台名定詩選卷下

十五



楓梢寒雨歇。雁外夕陽開。野渡秋潮冷。輕舟載馬來。  
舟行山影碎。岸轉一村開。時有賣魚客。銀刀躍網來。

道灌山間蟲

遠村燈火影。淒迷人語低。於蟲語低。嗟坐不知風露濕。  
月沈道灌古山西。

宋藝祖雪夜訪趙普圖

趙宋天子勞夢魂。白龍魚服夜敲門。雪綴御衣滿身白。  
寶靴印地。塵有痕。主翁迎拜。婦溫酒。坐久爐邊款待溫。  
帝曰吾睡不能着。普曰無乃取大原。一榻極酒團欒話。  
即定江南削平論。君不見太華山中高卧士。大笑墜驢

華陰雨。歸來雲根試曲肱。白日青天呼不起。

南湖途上觀富岳于左肩。俗呼曰左富士。

富岳雪爛斑。隱見青松間。日日在道右。粲然開笑顏。衆  
嶽空其坐。置諸道之左。往而欲從之。乍被白雲鎖。

筆頭菜

涉際纔抽三兩枝。池塘一雨更繁滋。前身莫是中書子。  
野生尤嫌汝字碑。魂斷燒痕如墨處。春回鳥跡印苔時。  
雖然零落草間老。不向秦家歎數奇。

殿山懷古

城南有山曰殿山。萬樹櫻花枕碧灣。春風三月花如海。

絲肉喧闐簇翠鬟。一從廟筭備海警。直填滄海波千頃。  
萬夫揮耜鑿邱陵。夕陽紛紛飄人影。前夫肩接後夫肩。  
搬去搬來爭滿船。礮臺恰與靈臺似。庶民子來競後先。  
誰取桑土補牖戶。綈繆只合備陰雨。吁嗟鶴舞城萬世。  
鴻基請看海中龜甲塢。

龜蟻途上

一橋乍去一橋來。水淺橋低留幾回。荇藻重重欲無水。  
舟纜過處水纜開。

波臣十詠 錄五

長鬚而睥目。威望壓波臣。自與海中老。折腰仍下人。蝦

尾向泥中曳。甲於石上乾。江湖須養老。官海惡波瀾。龜  
金鱗三十六。一一放光明。拏攫化龍後。不聞功與名。鯉  
烏賊元非賊。汚名終未除。囊中三斗墨。盡作雪冤書。烏賊  
朝霞落花雪。夕餐巖角苔。和鹽燔活火。香氣逆魚胎。魚

小出石山中作二首

谷深如大窾。逕極乍逡巡。纔剝採薪路。時通負米人。小  
橋橫獨水。危棧渡單身。艱苦能堪事。始知瘠土民。  
路不通牛馬。俗能祭鬼神。亂雲連送雨。落葉欲埋人。村  
僻多燒炭。家貧唯富薪。空山三十里。僅與一奚親。

掃塵行

三溪

月名定詩選卷下

十七

東隣人祭竈。西舍客春餅。當。中。是。我。家。紛。紛。亂。帚。影。煤  
氣。眯。眼。暗。如。煙。忽。忙。無。緣。載。鳴。鳶。或。恐。其。塵。及。長。者。以  
袂。拘。退。禮。當。然。家。僮。嗔。他。鼠。勃。宰。一。舉。勦。誅。搗。巢。窟。大  
鼠。跳。梁。小。鼠。逃。且。噉。狸。奴。悉。討。伐。從。是。室。堂。都。一。新。妻  
兒。欣。欣。此。邀。春。却。笑。多。才。陳。中。舉。隻。手。欲。掃。天。下。塵。

春雪

天。風。剪。水。半。空。翻。亂。點。波。心。不。見。痕。無。月。三。更。欺。白。日。  
落。花。頃。刻。恨。黃。昏。誰。焚。盆。卉。供。佳。客。好。舉。珠。簾。對。至。尊。  
想。得。去。年。山。寺。雨。紛。紛。濕。絮。撲。衣。繁。

聽。在。重。簾。深。幕。中。沙。沙。觸。紙。定。飛。蟲。程。門。弟。子。衿。將。白。

灞岸唼鹽酒不紅。薄命似花原是水。飄零於葉但因風。  
古來推竹做君子。一任人呼六出公。

捕魚歌

宿雨初歛夕陽遲。桃花水暖菜花滋。漁翁報道網事起。  
正是香魚欲上時。僮奴欣欣喜不寢。星言夙駕抵水湄。  
一水北來流入海。水源有山是和知。和知之水清而淺。  
細風吹水織細漪。水中之魚明可數。大者如小如錐。  
日光下徹影布石。須臾散不知所之。急募漁郎設魚網。  
漁郎觀水垣如夷。大網截江拒魚路。不用竹籐與荻籬。  
一舟自左一舟右。左右翼之不失期。有若鷹鷂逐鳥雀。

次第歐之次第馳。網縮魚窮無可遁。大魚倔強小魚悲。  
潛者逸者跋扈者。或暴其腮或振鱗。澤梁無禁仁亦大。  
網亦可打綸可垂。一魚赤脚謂大獲。一魚數魚貫柳枝。  
一魚貫酒赴村市。一魚操作一漁炊。最後老漁定漁長。  
指揮群漁比群兒。漁訖一齊拍手賀。吾亦犒之頌一卮。  
甲獻乙酬老雜幼。不問貴賤與高卑。噫噫漁兮漁兮吾  
輸汝。白頭未能免路危。聊賴研田供糊口。不事桑麻事  
書詩。平生誇詡掣鯨手。愧將數罟入滄池。

島黃山詠懷關左古戰場。

建假皇居置為百官。荊棘何曾栖鳳鸞。命名堪見簪笏

陋。郡是猿鳥人猴冠。相馬之子非良馬。雜毛斑文性原  
野。伯樂不顧况韓幹。聘入天閑邀倖也。堪笑同謀非其  
人。想見叡岳瞰楓宸。我是王族帝王耳。公亦宜為我大  
臣。不獲為檢非違使。祇應去據相馬里。八州草木悉風  
靡。戰血涂苔筋絡紫。獨有同胞推丹誠。切諫大寶不易  
爭。尊大自負公孫帝。吐握漫擬姬旦名。設使老賊有知  
識。不望劍璽與宸極。席卷關左搯其喉。割據當養圖南  
翼。奈何螳怒敵王師。一蹶不振宗社隳。馬郡之北猿鳥  
東。一邱蔚然樹作叢。島廣之山無乃是。牧豎尚說相馬  
公。寒煙涼草沒牛犢。孤兔失群鬼夜哭。聞說古墓夜深

劍氣青。有人翻地獲古匱。中出寶刀與枯骸。刀身有銘  
鏽難讀。無是當年老賊元。髑髏之額有遺鏃。

論詩

田園樂事足遊嬉。細寫春耕秋穫時。試見葩經三百首。  
范詩粉本是豳詩。

梧樓先生那珂通高

陸奧南部人

毛利元就

瞞此陶真可斃陶好將絃索換鈐韜幕中諸老原多智

孰解琵琶殺氣高

陶真即琵琶法師出堯山堂外記曰汴州女瞽者學琵琶以不見衣食謂

之陶真大抵說宋時故事云

夏日遊山寺二首

松聲謾謾水泠泠。欲就禪床盡日聽。香鼎無烟僧入定。  
石楠花落楞嚴經。

官海風波已十年。山中消夏奈無緣。南膜奇妙迦文佛。

梧樓

月台石室寺撰卷下

二十

容我禪床半日眠。

鄭成功

莫道死灰難復燃。本知薪盡火猶傳。誰焚儒服收餘燼。  
依舊紅光四十年。明祖始生有紅光滿室兆。故云。

柴田勝家

破甕衝圍彼一時。孤城此夕奈難支。夫妻唱和無窮恨。  
啼血聲聲杜宇悲。

源右府

士皆勇武客材賢。不恠頓收兵馬權。只是英雄難及處。  
守雌孤島二十年。

遮那王

功名既就一身危。萬死投荒悔可追。盥器當年徒執熱。  
人情冷處不曾知。

北條泰時

儉勤終世意何如。發立吾知媿有餘。私第板墻疎亦好。  
倚巖茅屋是皇居。

曉起聞鶯

莫是吾家所放鶯。朝朝檐外坐花鳴。綿蠻和夢聽逾好。  
不似去年籠裡聲。

春齋夜雨

梧樓

月宮石定寺集卷一

三

詩就無入和一醉擁衾卧細雨灑茅檐花落知無那春  
風歡幾場愁來酒難破枕上有農書起補燈前課且喜  
門外田黃梁種可播

上杉謙信

用兵迅速出天資用武田信玄評公語鳥水何心飲馬遲麾下纔  
緜十一萬長驅徒謁鶴岡祠

春晚江上矚目

隔岸青帘日未沉。垂鞭小立綠楊陰。晚潮漾漾蘆芽短。  
放馬前灣試淺深。

湖村消夏

天恩賜此數旬閒。且脫終年名利關。簞領清風午猶卧。  
棹搖涼月夜初還。黃塵夢遠城中路。綠樹眼明湖上山。  
他日掛冠如我意。那邊來買屋三間。

曉起觀蓮

月在簾鉤天未明。水烟漠漠繞欄生。香風滿院人初起。  
幾箇蓮房拆有聲。

鞠繪

妾從將軍出桑梓。將軍不歸妾當死。將軍名重妾身輕。  
殉有女子將軍取。滿目飛箭亂紛紛。死生之路從此分。  
匹馬圍潰歸奉佛。一生不出舊山雲。任他世人謾詆毀。

梧樓

月台石室詩集卷下

三

妾不自惜惜將軍。

靜女

銅拍子急鼓聲催。舞衣上場腸萬回。豆其煮豆果何意。  
斗粟尺布不堪哀。鄭段當時罪或少。其奈伯也多忌猜。  
芳山躡雪蹤已遠。歌唇今日向誰開。愁緒萬端結難解。  
翻入縹緲曲裡來。

雪後尋梅

竹外香寒雪後天。孤鞍掛月立風前。笑吾百事甘人後。  
獨為梅花先著鞭。

題獄裏咏梅圖

弄兵邊塞果非耶。威福何堪出相家。寄語公卿莫輕侮。  
荒陬亦自有梅花。

新年寄山中故人

今年又是不歸家。寄食京城感物華。得似山中老詩友。  
春風依舊醉梅花。

柳陰納涼

避暑訪誰家。詩朋隔江住。匆匆佩酒瓢。直向堤邊路。篙  
夫喚不來。舟橫垂柳渡。藉蓬且倚舷。坐看水天暮。涼笛  
數聲遙。認得門頭樹。對吟本自佳。獨酌亦成趣。日落未  
言歸。蒼茫兩岸霧。最愛月昇遲。飛螢亂如露。

梧樓

月台石室詩集卷下

十三



和氣公

為國致身男子常。初心唯在起文章。學田書院皆遺策。枉被後人呼護王。

七夕示內

京獄家閨夢路遙。幾年相望泣星宵。何圖乞巧樓前月。一瓣爐香並影燒。

豐公

逐鹿嘗修野馬臺。沐猴真有秦龍才。海西未少狐耶鼯。只自雞林一唱來。

松塘先生鱸元邦

字彥之安房人移住東京

三銅器歌

并序

三銅器。初不詳其所由來。相傳藏於豐太閤內庫。後流轉歸於故姬路矣。老臣河合漢年家。漢年歿後。又轉入浪華大賈錢屋某許。近日東海老公。出重價購。命邦作之歌。蓋姬周之世所制之物云。

岫嶽之碑迹茫然。岐陽石鼓歌空傳。韓公當日生苦晚。蘓仙徒復憶周宣。何哉。今又距千載。先王遺訓接目前。

松塘

月名石及詩集卷下

三

三器駢列森古氣。石綠黛青光照耀。稽之博古圖。其一曰麟盃。高八寸強。匾而圓。其二曰夔匣。口徑五寸。楯且偏。其三曰翼敦。腹圍二尺。有奇。重千錢。云是宗廟之彝器。薦諸鬼神。致恭虔。維昔秦皇滅六國。僂辱矣。王肆陪鞭。銷兵咸陽。鑄鐘鐻。遂掃詩書。付飛烟。是時此器竄何處。神呵鬼護。免牽連。恰是徐福浮海日。無乃與墳籍同載。一船。爾來桑滄幾易主。閱盡劉蹶與嬴顛。我公好古韓蘓匹。重購不惜黃金千。珍之何啻獲拱璧。大會賓從開盛筵。君不見世上近來貴異學。書生爭誦麟文編。前聖大典束高閣。鴟舌曉曉事精研。衣冠禮樂委塵土。誰

復賓筵。陳豆籩。公乎好古良有以。要使後生知周年。摩挲一日三致意。玩喪之徒豈並肩。却憶悠悠明代事。老姦分宜弄國權。京口周鼎傳入耳。奇禍中人逞毒拳。可憐寶物蒙汗穢。擯棄焦山伴老禪。器兮器兮何多幸。公然托身邦大賢。魏公遺笏文山復。果知物以久傳焉。後五百年遭博雅。聲價十倍更騰騫。繫余鑑賞眼。故卑品題漫擬珠探淵。歌成爽然還自失。愧無才敵韓蘓篇。酒瓢引。為北越村山哲齋作。瓢原小竹老人遺物云。哲齋遊京之日所獲也。膏理緻密質重厚。葫蘆其形大如斗。既非肥產非參出。

松塘

五

日清名家詩選卷下  
頑然一片色深黝。云是清客所齎來。小竹篠翁珍襲久。  
翁之仙去守無人。一旦終落骨董手。主人曩年遊京日。  
獲之驚喜比得友。東山之花嵐峽月。提挈常隨衆賓後。  
歸來吟對故山雪。瓢乎長不離左右。我為告曰瓢爾既  
產詩書國。腸之所撐果何有。瓢乎無言我代說。空洞此  
中唯容酒。平生一事不他求。盈量之外無所受。瓢爾不  
聞朝堂今日急。人才書生往往紆紱綬。縱橫談舌坐生  
風。默默如爾世無取。雖然瓢爾擇主得所歸。慎杜其口  
勿易其守。

過高田馬場有感於堀部武庸復讎之事作長句

高田古原何高爽。百步之場占寬廣。長松磊落一千株。  
碧蕪滿地平如掌。憶昔源公駕羣雄。懸軍遠度墨江東。  
堂堂此地建旌旆。八州草木靡威風。桑滄變換五百載。  
天降武庸勇無比。誓為舅氏復仇讎。獨攜大膽投袂起。  
堀氏有女十八九。適從阿彌過道右。一時貽綬充臂鞫。  
寧知他日為君婦。仇家黨與環而進。庸也從容揮白刃。  
石火巖電光出沒。無數頭顱飛一瞬。頃刻名聲走滿城。  
早有名士議迨水。天與奇緣真快婿。果然華綬是赤繩。  
後來婦翁同殉節。事比私鬪更英烈。一身上前後當大難。  
至今婦孺猶艷說。君不見高田之勝顯。大府武庸之勇

蔽前古稗官野史抵掌談無復一聲及鬼武。

青砥藤網滑川撈錢圖

徒行夜步滑川水無端十錢遺中止急燃松炬募人撈  
水風蕭颯滿流駛費五十錢拾十錢公之為計無乃愆  
誰知直道無偏見人我得失全其天呼嗟古之賢哲慮  
亦遠十錢雖微重耗損國家今日務外交金幣一去不  
復返。

山陽翁墨寶帖題辭

瓊海老仙騎鯨逝萬里蓬萊駕再稅瑞穗國典手修成  
三十萬言創體例滿腹經綸無所施筆底風雷徒激厲

緒餘詩賦自超卓此事亦足雄一世舉世滔滔走名利  
惟翁坐定千秋計已築元龍樓百尺肯作狡兔營三窟  
豈惟文章傳不朽論書評畫皆精絕咳唾隨風落九天  
滿地珠玉任人掇君不見三十六峰翠黛列萬古遙映  
峨眉雪。

過東台有感

樓殿吹銷一炬灰經行此地足餘哀青山有限留焦土  
白骨無聲入綠苔淨梵變成絃管鬧法宮驚見血葦堆  
金枝玉葉凋零盡萬樹櫻花春自開

送賴支峰辭官歸西京

松塘

二十七

倦鳥猶知戩翼還。喜君林下老投閑。三年鳳閣曾通籍。  
一日鳧川去照顏。久矣思歸生白髮。依然題句滿青山。  
他時琴酒優游處。莫忘皇恩此賜環。

偶對菊花思飲。忽報三邨老農送致一樽。即酌大  
醉。醒後走筆賦一律以謝。

誰使衰翁興欲仙。芳樽忽報白衣傳。雖無紅袖堪扶醉。  
恰有黃花對弄妍。萬斛閒愁消似雪。百篇詩思湧如泉。  
豪來試脫漉巾照。黑盡鏡中華髮懸。

戲詠蟹

左手雙螯典不空。例牽饒夢落江東。稻雲黯黯渚田雨。

蘆雪蕭蕭沙岸風。湯鑊無端累厨婢。岑筍尚想就漁翁。  
酒邊韻致誰如汝。雅稱將呼解趣蟲。

橘花

素英飄點短牆陰。陣陣南薰度午林。空有美名呼雋客。  
更無嘉頌繼遺音。他時割實香流頰。今日攀條雪滿襟。  
誰識細葩稠葉底。已胎錯落萬黃金。

同並木梅源飲于小湖旗亭

東台山影落清淪。湖上垂楊淺着春。若是君來遲十日。  
湖山無地不芳塵。

普木梅源要余遊繪鳥。出門口占。

平生藜藿不充腸。更苦塵沙眯眼黃。忽被吟笏相勾引。  
去游紫蟹碧鱸鄉。

金澤三首

往事悠悠一夢遙。沙隄且復認雙橋。寧知半夜酒醒後。  
卻聽兩聲成海潮。  
半陂水涸白鷗愁。猶把筵宜扁客樓。可惜一區名勝地。  
使人徒憶昔時游。  
小人謀利率皆然。馮鹵能開幾頃田。奪却漁村蝦菜業。  
湖山無復舊風煙。

鎌倉途上

兩裏輕塵沙路通。松林竹塢畫圖中。行人最是堪娛目。  
到處邛園種海紅。

繪島

城居局促厭塵囂。嘯傲滄洲發興豪。行盡沙灣七十里。  
巉巖千尺跨金鼇。  
紅燈綠酒銀絲膾。興味幾年無此清。一洗城中歌吹鬧。  
夜闌和醉聽濤聲。  
夢中昨夜駕蒼龍。翻倒海雲千萬重。三島十洲何有此。  
層樓把酒看芙蓉。

Blank page with vertical lines for text.

山中

我有一壺酒。來酌松林家。對客鼓七絃。玉露濕烏紗。孤  
鶴杳無跡。天風落桂花。

保田途中

數里林蹊晚。高歌携手還。東風猶料峭。野水自潺湲。海  
氣連春驛。谿雲欲奪山。歸禽翼應倦。飛入翠微間。

南澗即事

君繞春澗行。我在春山吟。山雲飛不已。水聲入石深。仙

溪琴

凡且莫論山水兩無心。

偶來春山嘯。春山非世情。水自潺湲去。雲自悠颺行。此時千古意。把酒問陶生。

數里青山裡。浴水樵蹊分。時有樵人語。寥寥隔竹間。行到溪窮處。倚石揖游雲。

書志五首 節一

愛暖南軒坐。聊以弄春暉。東風亦何意。山花自芳菲。倏忽兩胡蝶。栩栩花間飛。從來物與我。誰知夢耶非。此理不可說。玄化入精微。

古別離

春首書懷

窻小書堪讀。身貧心自閑。梅於風處散。苔自雨邊斑。竿濫咲南郭。文移擬北山。寄言朱紫客。勿到我柴關。

京城近郊記所見

微雨雨非雨。嵐翠染春衣。花落野廟間。雉鳴隴麥肥。極目黃花外。天鷄帶聲飛。春燒一綫黑。搖曳入翠微。竹外孤村小。日暮未鎖扉。老農如有待。長堤一牛歸。有如韋柳集。佳句出天機。俯仰皆詩料。心醉弄春輝。尤愛虹萬丈。光燄映殘暉。

山水小景

三溪

月台石定詩選卷下

十五



楓梢寒雨歇。雁外夕陽開。野渡秋潮冷。輕舟載馬來。  
舟行山影碎。岬轉一村開。時有賣魚客。銀刀躍網來。

道灌山間蟲

遠村燈火影淒迷。人語低於蟲語低。啞坐不知風露濕。  
月沈道灌古山西。

宋藝祖雪夜訪趙普圖

趙宋天子勞夢魂。白龍魚服夜敲門。雪綴御衣滿身白。  
寶靴印地屐有痕。主翁迎拜婦溫酒。坐久爐邊款待溫。  
帝曰吾睡不能着。普曰無乃取大原。一榻極酒圍欒話。  
即定江南削平論。君不見太華山中高卧士。大笑墜驢

送君臨湖水。湖水多雲帆。離情不能言。含愁首刀環。歸  
期君莫錯。霜露凋朱顏。君不見千古湘江曲。竹上之淚  
痕斑斑。

臨別不忍去。相顧上河梁。原野一何濶。蘼蕪遍夕陽。從  
今客窻夢。隨月上玉床。君不見函嶺八里烟。霧惡子規  
啼。破遊子腸。

玉蘭花

天風冷冷送素鸞。星斗垂光夜闌干。吹笙聲碎淡雲墮。  
幽馥染衣蕙。耶蘭銀河欲曙海山碧。山人清夢杳無迹。  
曉寒入骨酒方醒。水蓮花上春月白。

日清名家詩選卷一  
癸巳之三月。同仁禮宗街伯英。及族兄公幹遊于  
琵琶湖。淹留數日。歸家而湖山之勝。宛猶在目。睫  
之間矣。夏日無事。追賦五言十五首。以記其壯游  
云。節一

落日湖霞紅。湖樓欲御風。明晦無晝夜。江山送英雄。水  
流功名盡。雲在遺壘空。感慨不成睡。月白聽歸鴻。

熊野某氏宅觀 護良親王所賜佩劍有感

君玉無地理。幽憤七道妖。氛吹血腥。誰養豺狼。近天闕。  
偏驚焚惑犯辰星。消沈寶劍龍蛇氣。寂寞陳圖雲鳥形。  
今日熊中拜遺物。哀猿啼雨暮山青。

嵐山同白谷先生賦。時癸巳上巳之前一日也。

嵐水如清鏡。澄碧照春巒。高吟過橋去。吟袖露滴寒。  
數聲澗鳥啼。春月出翠微。偶來拂石坐。白雲已滿衣。  
春舩沂嵐峽。夜深林月高。林花皆空色。清露欲滴篙。  
罷琴下山堂。月落春水蒼。山花凝不動。滿山夜雲香。

橘園

茅屋疎籬脩竹間。桃花春水洞天閑。日長嵐氣蒸成雨。  
野雉呼醒欲睡山。

秋夜訪街伯英。歸途雨歇月明得此二十字。

雨歇夜山遠。月明天宇閒。桂花落無影。老鶴數聲寒。

溪琴

月台名景詩選卷一

三

河內路上

南朝古木鎖寒霏。六百春秋一夢非。幾度問天天不答。金剛山下暮雲歸。

幽居感慨

乙巳秋日

讀易山中夜。依稀一燈青。萬籟寂不動。點滴破幽聽。虛窓通霄漢。三五挂疎星。宿雲猶未散。長松龍氣腥。

八月十八夜冷雲師至。以壁空殘月曙。門掩候蟲秋為韻。余得前句。

夜伴白雲僧。散步松林月。天風翻秋濤。寥然洗山骨。天地皆瓊瑰。清氣入毛髮。

大塔王土窖歌

養新狼聽婦言。櫬槍熒惑犯紫垣。鑿山毒霧囚國儲。扶桑長懸千古冤。龍蛇骨朽蚯蚓穴。土華入石見碧血。此冤未識天耶人。窖前芳草年年春。

三葛烈婦行

代夫耘兮代夫耕。蓬頭腊手自營營。滿郊露氣天未曙。東方漸白大星明。夫病姑老農事急。曉井漑田桔槔鳴。安知草莽伏強暴。驀然攫去勢縱橫。烈婦雖烈力不當。一聲呼天天無聲。竟逢羣凶恣毒螫。淚盡鮮血迸眼睛。還報夫姑唯有死。霜刃刺喉洞瓊瑤。吾聞此事髮為立。

溪琴

月台石室詩集卷下

三

日六名家言選卷一  
田野之婦死能貞。羞死金帳珠翠女。羅帷繡帳多冶情。  
誰題姓字表其閭。稱揚三葛烈婦名。

過徐福墓

片帆遠指海東霞。回首咸京雲路遐。萬里蓬萊舟未達。  
君王已上輜涼車。  
神仙說就避秦初。百幅雲帆乘太虛。只恨徐生載鷄犬。  
不齋坑火已前書。  
童男女去竟無聞。海上茫茫五色雲。今日秦西種人策。  
二千年前已有君。

讀王孟韋柳詩

手把輞川集。頓忘風塵情。此時夕雨歇。一禽隔花鳴。幽  
事無人妨。坐見溪月生。

造語無痕跡。虛妙發天真。洋洋三千頃。江清月近人。瀟  
灑孟夫子。如見洛水神。

偶哦蘇州句。窗空燈火閑。詩思如雲影。搖曳肺腑間。夜  
深聲塵絕。竹雨響寒山。

柳州如名劍。字字發光芒。把之吟深夜。逸響何琅琅。靈  
氣不在多。鏤耶一尺霜。

Blank columns for text on the right page.

省軒先生龜谷行

字士藏對馬人移住東京

太宰府謁菅公祠

陰雲漫漫吹不披。乾坤如夢舞梟鴟。雖雖者鳳為誰至。  
不容上林借一枝。心水深兮天山秀。嗅梅藥兮窸松蕤。  
嗚呼寒夜脫衣憂。民瘼不知謫臣泣。御衣山心水地名

太宰府別桂岩浩潮三泉

倦蜂抱藥午風微。柳絮何心為雪飛。離恨欲忘忘不得。  
相思川色映征衣。相思川地名

中津訪橫井士美

省軒

春風分袂浪華天。綠酒紅燈已隔年。鐵馬三秋瓊浦戍。  
火輪千里佛郎船。未知黃閣能謀國。聞說青衿爭策邊。  
共話曾遊如夢寐。一窓枯柳對寒烟。

日田別大渡禮卿

相值還何日。秋風捲斷蓬。劍華山驛冷。烽火海城紅。事  
業艱難後。文章感慨中。茫茫月千里。哀雁度遙空。

薦田懷古

文永中元兵寇津島。島守宗公助國防戰死焉。  
祀為師大神。

古祠臨海勢崔嵬。十萬艨艟安在哉。雲脚西垂韓地近。

波光南接筑山開。健牛鬪野夕陽動。老鶻摩空秋色來。  
欲向殘碑尋往事。平沙漠漠朔風哀。

挽堀江茗園

舊雨不可尋。今雨豈堪聽。冷雲籠庭樹。花墜有遺馨。惆  
悵不成夢。一鵲曉山青。

淨覺寺寓居

耿耿不成眠。殘蟾落簷額。一磬曉烟散。溪氣吹寒碧。

松浦謁廣嗣公祠

黑雲壓宮闈。妖緇污翟衣。肉食不知天下事。唯務摸稜  
舞高麗。太宰少貳臣廣嗣。不忍傍觀竊爵位。瞻顧宗社

在天心。掃清君側是臣志。慷慨誓衆千軍奮。整鼓一朝  
動天地。唱義賓王心。空切勤王敬業事。翻躋生前除奸  
功未成。死爲厲鬼亦精誠。高冠長紳彼何者。千秋媿死  
黃備生。蕪味道持摸稜揚  
再思爲高麗舞

夢醒

夢醒蒼滴夜沉沉。客意蕭然思故林。一領寒衣一條線。  
秋風秋雨老親心。

黑木宮驛舍作

飢鼠走空梁。梁塵紛紛落。殘燈點秋螢。朔風傳遠柝。蟻  
虱嗜吾肌。衾破不可摸。干戈道路阻。孤枕客情惡。霜氣

壓茅簷。殘月吊寂寞。栖鶴亦不眠。夜寒縮修脚。

新歲漫成 戊辰

春立寒梅活。雲逃明月高。閑人亦慷慨。倚劍聽風濤。

周海雜詠時將上京師

快風揚輕帆。勁箭忽離筈。千里期一瞬。龜鼉不能遏。後  
巒着欲無。前嶼手可掇。須臾天色更。風死浪不活。微月  
暮寒多。斷鴻水天濶。何日慰相思。美人在天末。

湊川歌

憶昔妖墓蝕金鷄。曾撥陰霧正紫極。尤憐李晟效忠貞。  
其奈懷光誤順逆。虺蛇窟裡幽龍孫。檠戟帳中貯國色。

網罟一逃橫海魚。扶搖重搏凌雲翼。山河忽裂長城壞。  
湊川千載水猶激。玉室中興振乾綱。祠宇炳煥忠烈揚。  
吹鳳笙兮搥鼉鼓。鴨烟薰兮染盛香。君不見金閣寺銀  
閣寺。夕陽淒迷荒草翠。

曬書

平生愛書書為命。牙籤撐棟芸香迸。自擬南面樂殷勤。  
戒小奴。毋捲腦兮毋折角。塵匣拂兮蠹宜驅。古人精神  
鍾文字。人若瀆之鬼暗誅。童云先生愛書却不讀書中。  
有鬼鬼應哭。

漫成

花開蜂心熱。花落蝶夢疎。一笑披烟簑。微雨入春鋤。

送奧九臯使朝鮮

飄然追海鶴。萬里忽翱翔。邊塞狼烟斷。輔軒龍節高。月  
殘長白雪。風冷漢江濤。玉帛修隣好。想君意氣豪。

送粟田菱塘之上海

孤帆向殊域。何日復逢君。花暗吳山雨。鴻迷楚水雲。三  
春唯對酒。白首尚耽文。相送臨江渚。離歌不忍聞。

大磯

名妓古傳阿虎孃。娟娟春月照容光。聲價獨擅歌舞場。  
不唯秋波惱公子。慧眼宛同紅拂妓。早認十郎燈影裡。

省軒

明倫彙編 家範典 卷一百一十五

天



十郎果然好身手。貌貅隊中提仇首。遺恨未刺源將軍。  
殺氣如虹貫星斗。將軍何知十郎奇。一世唯有阿虎知。  
有金應鑄絲。應繡千載之下。雙淚垂。平生數奇。肯時好。  
無由雲閣圖吾貌。鷗波浩蕩萬里蒼。掉頭直欲從漁釣。  
若逢知己死不辭。何矧千萬買一笑。停車惆悵大磯驛。  
老柳蕭疎澹夕照。

千秋樓集和王紫詮韵

雄心欲着祖生鞭。遊遍歐洲路八千。慷慨談兵辛棄疾。  
風流耽酒杜樊川。世無知己堪惆悵。天付斯才豈偶然。  
好是名山藏逸史。白芙蓉簪鬱雲烟。

送王紫詮

人中之龍文中虎。張園老子今同甫。張膽明目論時機。  
赤日皦皦披雲觀。粵賊凶焰滿乾坤。激昂獻策叩轅門。  
雄志未伸賊未滅。橫罹奇禍吞深冤。一朝決策遊西歐。  
長風萬里鵬翼搏。英雄割據尚未已。虎視龍驤互相吞。  
抽筆寫出興亡跡。鬼哭啾啾燈影昏。歸來頭白未得意。  
飄然又到扶桑地。聞說扶桑有逸書。欲搜石室求奇字。  
余亦東海一狂夫。氣凌虹霓才本迂。讀書萬卷歸畫餅。  
空餘傲骨老窮途。相遇論交江樓夕。綠酒淋漓披肝膈。  
興來起舞蛟龍驚。詩成金牋紅袖擘。潑墨直傾長江水。

明倫彙編 家範典 詩選卷下  
揮。劍。擬。鏗。遙。山。碧。忽。間。驪。歌。激。秋。風。白。雲。慘。澹。雁。橫。空。  
一。別。千。里。恨。參。商。幾。時。追。隨。學。雲。龍。君。言。犬。夫。一。世。歎。  
髀。肉。精。神。應。注。著。作。中。嗚。呼。紆。青。拖。紫。一。時。耳。何。如。開。  
拓。萬。古。之。心。胸。

漫成

短。髮。蕭。蕭。迫。暮。年。行。藏。何。用。問。蒼。天。名。心。銷。盡。唯。耽。酒。  
世。故。諳。來。漸。愛。禪。綠。野。丹。邱。三。尺。杖。明。窗。淨。几。一。爐。烟。  
揚。清。激。濁。非。吾。事。蓑。笠。好。登。春。水。船。

庚辰新正

漸。覺。春。光。動。梅。花。映。古。扉。池。魚。未。飛。躍。澗。草。已。芳。菲。時。

局。開。生。面。天。心。見。活。機。悠。悠。康。濟。志。頭。白。愧。儒。衣。

壽村上佛山七十

久。矣。文。壇。推。此。翁。一。時。俊。髦。拜。下。風。巨。鯨。一。躍。擘。碧。海。  
老。鷹。歛。起。摩。蒼。穹。憶。昨。干。戈。滿。海。內。劫。火。難。免。前。後。豐。  
樓。臺。無。迹。頽。瓦。楮。獨。有。詩。卷。留。囊。中。如。今。詩。道。緘。靡。極。  
微。君。孰。奏。反。正。功。天。錫。難。老。應。有。意。壽。踰。七。十。耳。目。聰。  
十。五。年。前。吾。曾。訪。高。齋。夜。兩。斟。春。釀。抵。掌。論。詩。興。愈。激。  
不。知。人。間。有。將。相。爾。來。衣。染。京。城。塵。暮。雲。春。樹。空。相。望。  
夢。裏。依。稀。水。哉。園。數。株。梅。花。映。絳。帳。

秋懷

蓬華稀車馬。諸公甲第高。年豐穀仍貴。天冷疫方驕。暗壁鳴虫切。頽籬香艸凋。淒然殘燭下。起坐讀離騷。

松青硯歌為成瀨子直作

子直奉 詔臨摸王羲之聖教序。又書諸葛出師表上之。 皇上嗟賞命賜 御硯。硯徑九寸。

池圓形方。傍刻蛟龍日輪類。昔勒奉軍神建武二年八月日正成。又有松青風靜等十二字。模

糊不明。古色黝然。真希珍也。

日炎炎。龍蝮蝮。雕成湍溪一朶雲。楠公禡神果何意。擬為朝家掃妖氛。分明建武二年字。依稀松青風靜文。憶

昔六龍蒙塵避賊日。身嬰孤城過奔軼。北風裂帳金甲寒。呵凍草檄聲瑟瑟。何日輾轉歸內府。五百年間無人觀。君不聞文氏玉帶生。常隨文山事遠征。南海狂濤天地暗。北燕正氣日星明。又不聞黃家龍尾硯。幾逢簧舌相構煽。一篇章疏劾奸臣。眼光照硯如紫電。成君子直耽臨池。曾捧翰墨獻丹墀。顏筋柳骨正心見。 詔賜御硯 天顏怡。山村生春花。木燿迎吾高堂。祛硯篋。一見正襟忽悚然。摩挲龍紋憶當年。玉帶龍尾將無同。古光蒼潤響淵淵。山雲催雨林風戰。鱗爪活動欲冲天。硯乎硯乎。伴公英靈留此地。感發萬古千古忠臣烈夫志。

省軒

春濤先生森魯直

字方大一字希黃  
尾張人住東京

鎌谷紀游

夜來微雨晴。殘月挂林杪。依依弄餘明。窓紙未知曉。游  
期在今晨。吾往欲先挑。自起開柴門。人語出幽篠。相見  
乃欣然。時不失分秒。相携便登程。鞋底雲縹緲。我行拍  
君肩。酒醒詩思悄。君笑挈吾手。天白眸子瞭。山色青拖  
煙。煙破青未了。彼有喚渡聲。此有呼友鳥。

澤國猶春寒。芄芃麥抽綠。山隴生午煙。陂仄卧黃犢。渠  
自飽芳艸。童子不必牧。相戲追蝶兒。紛似柳花捉。遠山

春濤

隱亂松。茅店覆疎竹。呼酒茗為牀。喚舟主代僕。迂路渡  
傍渡。舟急春水感。已涉三巨川。更經一層麓。荒驛明夕  
陽。危坂入深谷。意在明日花。今夜何處宿。

殘月磨一鍊。芟雲去枝葉。仄徑粘積雲。石齒老錄澁。云  
是鑿谷村。村小山合沓。前者鞭後遲。振策從此入。空谷  
無俗楚。雲擁美人立。欲問有花處。隔溪再三揖。審視雲  
是花。美人笑不答。美人亦是花。嫣然呈笑靨。對此閑行  
厨。從者卸兩楹。醉骸我將埋。從者進荷鋤。

空谷有佳人。不必謂修竹。幽谷有君子。不必謂蘭馥。櫻  
花亦君子。溫雅吐芳郁。櫻花亦佳人。幽麗見端淑。牡丹  
喧李唐。海棠艷巴蜀。持以欲並傳。於我無寵辱。客來說  
嵐芳。并我稱昂足。溢辭不敢當。吾請守其獨。山靜春自  
幽。花意真絕俗。何負佳人名。不忝君子目。

異哉赤坂山。疑有女媧跡。澗底劈老雲。斧下出奇石。泉  
注存鍊痕。苔破紛五色。誰分曙山青。還奪晚霞赤。秋葉  
讓淺黃。春水與濃碧。纈紋落花斑。脉理亂絲白。丈肩露  
微頰。全質含殷黑。斷之充硯材。堅膩果瓦墨。別有稱太  
湖。嵌空勝靈壁。洞穴開碧天。髣髴通紫極。

昨日好天氣。踏遍春山霞。今日忽陰晦。滿山雨滂沱。看  
花有<sub>春壽</sub>機會。何況於其他。百事隨變更。一念空蹉跎。啼鳥

明倫彙編家範典卷一  
去何處。吾亦歸我家。蓋頭以一笠。裹身無全蓑。借酒鼓  
豪氣。衝雨離巖阿。落花如暮人。人亦離恨多。蕭蕭暮歸  
來。家裏燈籠紗。游裝不忍解。鞋策粘落花。

岐阜竹枝

繞郭青山積翠堆。夕陽人倚好樓臺。香魚欲上桃花落。  
三十六灣春水來。

千絲翠柳晚風柔。春動藍川古渡頭。欲問美人南國信。  
片帆吹上九華舟。

鏡巖

鴻蒙之世鏡未鑄。帝遣勅磨千尺巖。譬如女媧鍊五色。

光燄萬丈疑神劍。槌之小者後宮賜。玉妃珍重藏瑤函。  
金膏瓊粉不必用。照膽真足除邪讒。擲其大者降此里。  
有似一片秋潭水。高八九尺橫稱之。古謂方諸乃此耳。  
暗中如畫山鬼哭。其前鑿形山雞死。自從渠國貢火齊。  
秦唐相繼摸不已。雨來雲蔽空濛隴。細視今尚青玲瓏。  
隱隱之中祕靈魄。老苔丹綠如古銅。

金華山歌

山在岐阜一名一石。石或作夕。相傳昔有異人取奧之金華山上一石置此地。故有此名。

東奧靈山帝所嘉。不知何代名金華。浮嵐蒸樹青。壺鬱  
絕頂天風撼石雲。啞呀誰拈一石籠仙袖。蒼質玲瓏衣

裏透。此州風土美而濃。試插靈根一夕秀。秀靈之氣霽  
然鍾。非積區區一筭功。髣髴天風生絕頂。形模頗類與  
之東。呼做金華亦宜也。瑞龍名山祥鳳名川繞其下。當時仙  
人知為誰。定是夜半有力者。壑藏舟。蚊負山。太行王屋  
宛在眉睫間。織公英略本無比。坐嘯中原歸虎視。風雲  
忽變風煙荒。一代霸圖今已矣。中原略地未如縮地費  
長勞。我羨牧羊仙子。其姓黃。嗚呼。鞭起白石。我無技焉。  
得邀帝之寵。叱作千頭羊。

秋晚游小房山

行行似無路。忽得三戶村。暗泉滴秋澗。殘照明空山。蒼

苔冷如水。虛籟生耳根。黃葉挾疎雨。衣袂颼颼寒。老店  
沽薄酒。藤蘿被茅軒。樵子來卸擔。拂落肩頭雲。相揖問  
名姓。但道山中人。

萬松亭讀大沼子壽。不忍也觀蓮。與星巖翁唱和  
詩。益齋先生使予次韻。乃疊礎寄懷子壽。

芳事闌珊春尚妍。村園已過子規天。尋花未倦周為蝶。  
食字差多蠹欲仙。流水繞門松色綠。茅軒近午鳥聲圓。  
想君洗硯寫清句。簾外湖光明且燭。

麗都花月鬪芳妍。吟到東台別有天。天女為分香世界。  
湖樓應傲小神仙。春來酒美玉山倒。日暮雲收靈魄圓。

夢裏我將陪燕賞。唯嫌骨裏俗難蠲。

風貌無塵夢亦妍。柴門近接白鷗天。自非湖海傳名句。  
焉識康衢有散仙。顏未嫩涼吹不斷。荷心珠露碎難圓。

知君月下聞歌夕。美酒三杯百念蠲。

芙蓉綽約鏡中妍。夢繞小西湖上天。如此烟波誰是主。  
何須梅鶴始稱仙。佳人不見碧雲合。秋水無邊明月圓。  
寄語平生黃叔度。別來解吝若為蠲。

寫出新詩字字妍。才情直合抵開天。便知白雪非巴里。  
何必黃金鑄浪仙。池上長留苔石綠。荷邊暗洒淚珠圓。  
孝享當奉先君子。為饒時時要吉蠲。

湖波灑灑弄餘妍。夕照紅涵菡萏天。才子當年無手敵。  
偉人絕代有髯仙。酒嫌斗量十千少。詩抵牟尼百八圓。  
一唱一酬相對飲。觴逢詩政不須蠲。

明鏡已分媼與妍。浮沈何必問青天。曠同里婦渾忘醜。  
笑謝鄉人欲學仙。三日苦吟才有限。百方冥搜句難圓。  
可憐身瘦如窮鬼。下劣詩魔竟未蠲。

荷花呈艷月呈妍。秋近風塵以外天。明詔優非金馬客。  
寶書森比玉堂仙。後歡難聚悔先散。前事易虧要再圓。  
我欲遨遊終未得。相思一病幾時蠲。

球師房書即事



日清名家詩選卷一  
芙蓉欲落更幽妍。林下僧房秋近天。也合逃禪親繡佛。  
何須抱月傲飛仙。涼淨缸面微醺足。露點池心細浪圓。  
風定一螢流出竹。晚間餘熱坐來蠲。

夜涼吹笛同士蕪作。

澄江拖練斷霞妍。百尺飛樓倚暮天。吹笛一聲人不俗。  
臨風三弄骨將仙。浦邊搖曳早涼度。月下玲瓏餘韻圓。  
我有超然遺世想。夜來聽者暑氛蠲。

楠公墓下作

君不見楠公氣宇靄靄如春雲。胸羅二十八宿頭戴七星文。  
又不見金剛之山纜半壁。上與天柱維持同其績。

東兵八十餘萬四面仰攻之。百戰百敗旋延持久自解圍。  
帝之還闕雖然見易象。爭得不賴公之戈一揮。東魚西鳥已有驗。  
前虎後狼奈難陷。公有奏言帝不納。一死千秋垂龜鑑。  
當其臨死訓子時。已知天下不可為。猶留血肉護王室。  
南風不競已矣哉。湊川之水嗚咽去。是公當日戰沒處。  
雲靄靄風蕭蕭。金剛跨空碧岑堯。

吁嗟乎行

娶妻當得陰麗華。生子當如孫仲謀。白水素願大江嘆。  
一嘆一願成千秋。千秋事業東流水。美人黃土長已矣。  
將門出將非定言。英雄或自布衣起。三尺劔提之草莽。

有光燄。萬卷書遺之子孫。太迂踈。吁嗟乎。讀書家無讀書子。劉景升兒豚犬耳。

忠武二十八而出。此時不出負良弼。貞白三十六而隱。此時不隱違嘉遯。隆中許帝以馳驅。山中遣使問廟謨。一進一退全終始。二賢易地乃然耳。迂拙男兒何所望。四十五十非少壯。吁嗟乎。貞白先生忠武侯。隱為宰相出丞相。

小遊仙。倣曹唐。

原九十八首  
節首尾六首

玉皇御在鳳凰臺。九醞流霞賜一杯。不分劉安多眷屬。頑雞犬亦躡雲來。

雲車霧轍。輾無痕。昨日南轅。今北轅。下界名山看已遍。扶桑獨有一峰尊。

丹桂吹香秋露繁。步虛聲裏月黃昏。皇天不必諱。同姓下賜飛瓊嫁許渾。

宴罷傳宣賜白鷺。金門榜字躍龍蛇。王家羲獻多姿媚。徵到能書蔡少霞。

青竹為龍白石羊。黃初平伴費長房。要之不及玉喬舄。徐躡雙鳧來帝傍。

風懷得罪削仙班。猶是詩篇喜麗嬾。一笑道人黃魯直。泥犁不墮墮塵寰。

明法名象詩選卷一  
予鄉有宮山村。村人山田某宅。安置弘法大師石像一座。雷霹其頭。破裂成三。詩以記之。實癸亥夏五月十一日初夜也。

佛之功罪孰是非。功德無邊安在哉。我數其罪默不答。似道少病津梁疲。當時天嗔又地怒。前後佛像多見災。其最大者方廣寺。頭分身裂委塵埃。其最靈者善光寺。手焦足熱幾將灰。焦熱地獄大叫喚。免此苦患能幾時。金佛銅佛無靈驗。可憐身首難自保。弘法妄唱歸佛說。污我神明罪之魁。神亦不得不赫怒。兩師風伯應指揮。電掣金蛇光閃爍。一聲雷霹石大師。人間愉快寧有此。

頭破如阿梨樹枝。法華經陀羅尼品云。頭破作七分。如阿梨樹枝。須臾雲散天

霽怒。忽地月來暑無威。呼做大師不自資。臻此師當無遁辭。金銅無靈况乃石。焉能濟度衆生為。大師笑曰休多罵。縱死竟不與世辭。閑卧青松夜觀月。此况平生吾所歸。弘法句云。觀供養吾像某功大。吾意酬某子不知。今年月日代某命。殺身成就大慈悲。

豐大閣故墟歌

何物老嫗吞日輪。躍入懷中乃有身。啞然落地真英物。誰識寒村產若人。唾手功名非難事。起身奴隸何容易。將相豈其有種乎。見公雄才而大志。漢高皇佛郎王地。

之相去十萬道里。世之相後千百星霜。一輩之人其揆  
一。公之事蹟如符節。目中雖不辨醍醐。朱明封册手先  
裂。源義滿恭受彼封頭可刎。源賴朝笑拊汝背我非驕。  
浪華壘。伏見邸。桃花春接鯉魚水。鯉向天門化作龍。故  
江春水夕陽空。漢皇逃佛王敗公亦一去乘白雲。故墟  
寂寞村犬吠。位極人臣跡無篡逆。功蓋乾坤名垂竹帛。  
嗚乎。日出處臣如日輪。與彼皇王光赫赫。

竹佛先生歌題其墨竹卷

竹佛先生笑倚竹。天上天下唯我獨。文殊獅子普賢象。  
踏水排雲來合掌。天龍夜叉乾闥婆。百千萬億恒河沙。

自佛視之無非竹。非竹者隨阿修羅。竹哉功德真廣大。  
高聲說向人天會。其外勁直中清虛。根壘葉垢一點無。  
林間少睡佛疲矣。誰來磨墨誰齋紙。獻珠龍女現海中。  
散花天女降空裏。佛莞爾起墨如雨。千紙一揮筆飛舞。  
天龍以下寂無語。左圍右繞觀如堵。千萬竿竹佛分身。  
各宜齋歸種福田。黃面瞿曇無此技。徒散舍利與人間。  
歸命頂禮虛心佛。天下此竹唯獨尊。

田原省齋招飲壁有亾友賴三樹詩因用其韻

瓶裏疎梅映壁斜。隔窓微聽雪沙沙。被人先飲一杯酒。  
時事無非畫足蛇。

顏運難支寒日斜。治安無策學長沙。誰知四百年天下。三尺秋霜斬白蛇。

一病沈綿卧榻斜。看來白酒勝丹沙。不須多畜三年艾。只合杯中辨影蛇。

夜堂雲壓短簷斜。驟雪急于風捲沙。手剔燈花觀古劍。電光寒掣紫金蛇。

風吹短髮雪斜斜。按劍悲歌水激沙。生作神仙猶血性。呂公袖裏逸青蛇。

遮莫子之京。作歌贈之。

遮莫子。遮莫子。遮莫傍人呼為馬。為牛。不知昨非與今。

是。柴桑處士吾所師。漆園傲吏某在斯。人間百事百遮莫。一事要為天下奇。昨夜秋風吹落木。殺氣橫空霜肅肅。遮莫子西入京。千人萬人壯其行。男兒有劍不空老。彼如動手歸一掃。不然塗地以肝腦。臨節無所顧。唯顧義何如。一氣如不振。無由起懦夫。左提三尺霜。右引三大白。容進舉手遮遮遮。子笑搖手莫莫莫。明日歸來好南傲。東嘯。今日去矣好鵬怒。鷄笑。天命天道復奚疑。陶潛莊周不我欺。

讀寒山集有感題四絕句。

銀林綉被說邯鄲。綺語留供一笑歡。若使孝兒賢婦在。

寒巖縫裏亦團樂。

拍手呵呵笑若雷。律令空裏欲驚回。豐干咄咄真饒舌。嗾得台州禮拜來。

布襦零落選長廊。賴有故人知食堂。菜滓亦同甘蔗滓。垂涎只仰炙茄香。

花上嫩鶯聲可憐。更憐花下美人絃。美人黃土鶯歌歇。淚墜秋風寂寞前。

明治名家詩選卷之下 終

48-13389

題詞

文士從來多不平

吟泣和子貴鳴一

相遇此


聖明世唱出雍容

雅頌聲  
錦心繡口  
奕奕新奇  
匹似春  
之花繁  
滿枝  
明治太平  
君看省  
取  
洋之二十  
五子詩

明治十三年十一月

遊皇城  
井國經

題  
畫書



明治十三年十一月廿三日

明治十三年十一月廿三日出版



明治十三年十一月廿日版權免許

同 年十二月廿三日出版

定價金九拾錢

修纂者兼出版人

福岡縣平民

城井國綱

東京麴町區  
壹番町五番地寄留

發兌

內外兵事新聞局

東京京橋區  
元數寄屋町二丁目四番地



東京  
同  
同  
同  
同  
西京  
大坂  
名古屋  
仙台  
甲府  
中津  
静岡

浪花屋市藏  
野依曆藏  
東浦榮二郎  
伊勢屋半兵衛  
片野東四郎  
柳原喜兵衛  
北村四郎兵衛  
石川治兵衛  
山中兵衛  
茉莉詩店  
小林新兵衛  
稻田佐兵衛

010190522488

